

ESCRITURO DÓU PAÏS...

Un councours pèr faire l'eventari de tóuti panèu de signalisacioun, placo counmemorativo vo publicita en lengo nostros.

Pajo 2



Prouvènço aro

Octobre 2010

n° 259

2,10 €

A.E.L. Oc

Associacioun pèr l'ensignamen de la lengo d'oc à Perno li Font

Dissate 16 d'octobre 2010

Espace Jeunesse - Avengudo Font de Luna
- 13 ouro 30 - Acuei : Duberturo dis estand.
- 14 ouro 15 - Duberturo dóu coulòqui pèr Lou Maire de Perno-li-Font e aloucuciuon di representant de l'Educaçiuon Nacionalo e de la presidènto de l' A.E.L.Oc.

15 ouro 15 - Ataié :

- Cant tradiçionau emé Estefane Manganelli, cantaire prouvençau.

- Danso tradiçionalo emé Cecilo Nicolas, animatriço de l'associacioun *Dançar au païs*.

- Toupounimio emé Pau Peyre.

- 16 h45 - Counferènci-debat : *Langue régionale et langues romanes*.

- 19 ouro - Aperitiéu pougri pèr lou Municipè.

- 20 ouro 30. Espectacle : *La ràbia dei dieus* pèr Lo terralhet.

Counta e canta, en prouvençau e en francés, aqueste viage à la remounto e à la deciso dóu Rose es uno seguida de pichòti sceno ounte, à de rèng, rescountran de mounstre legendari, de mite antique, de paisage de Camargo vo dis Aupho, pourta pèr lis estrumen tradiçionau coume la vielo à rodo, l'acourdeoun, lou flahutet e de-segur galoubet e tambourin.

- 21 ouro 45 - Balèti di musician de l'espectacle

- de 13 ouro 30 à 19 ouro : Espousicioun : *La ràbia dei dieus*, viage istouricò-legendari, long de Rose di plajo de Camargo enjusqu'à Moundragoun. 46 panèu de dessin, e gouacho dóu peintre Enric Damolfi.

Associacioun - Editour : Estand d'associacioun : Lou Felibrige, l'Institut d'Etudes Occitanes, Lou Prouvençau à l'Escolo, lou CREDDO, la Calandreta d'Aurenja ...

Entre-signe: A.E.L.Oc - Oustau de Prouvènço - Parc Jourdan - 8bis avenue Jules Ferry - 13100 Ais de Pço - Site : <http://www.aeloc.fr> -

- Dóu dimècre 13 au dissate 16 d'octobre, l'A.E.L.Oc ourganiso li journado pèr l'ensignamen de la lengo e de la culturo regionalo.

À l'iniçiativo d'aquéli journado, lou rescontre emé la nouvello respousabla d'aquel enseignamen pèr lou departamen de la Vau-cluso..

Lou dimècre 13 d'octobre l'A.E.L.Oc participa à uno journado de fourmacion dis ensignaire, organisado pèr l'Educaçiuon Nacionalo en prepausant uno vesito countado de la mostro *La ràbia dei dieus* ...

- Li dijòu 14 e divèndre 15 d'octobre, 8 classo dis escolo e dóu coulège de Perno vendran descubri li conte dóu Drac, de la Tarasco e li legèndo de la creacioun de la Crau e de l'arribado en Prouvènço di chivau de Camargo.

La toco d'aquelo ouperacioun es de rescountra lis ensignaire de la Vau-Cluso e de permetre d'escambi sus sis ativita e pratico pedagogico.

Pintre de Prouvènço



Espousicioun

Auguste Chabaud lou pintre de Gravesoun toujours à l'ounour.

Pajo 3

Finimounde

Escourregudo de dous Prouvençau dins l'encountrado d'Ushaïa.

Pajo 6

Caminado

Pèr campèstre e dins li bos à l'entour de Veisoun La Roumano.

Pajo 3

Uno journado em' un pouèto

Dissate 23 d'octobre 2010 : Lou CREDD'O a previst de rèndre ómage, aquest an à-n-un pouèto que sa renomado es luen d'èstre à l'autour de l'obro: Mas-Felipe Delavouët. En entròducion à la counèissènço des "Pouèmo", Celino Magrini parlara de M-F Delavouët e l'Art rouman. À parti dóu tèmo de "l'Istòri dóu Rèi mort qu'anavo à la deciso" Jousè Petit presentara d' "Evocations historiques" e Pèire Carrère: "La poétique d'une mort sublimée". Terris Offre desvouloupara un di tèmo pouèti de M-F Delavouët : "Regarder en fermant les yeux, des traces de civilisation". Reinié Moucadel, ramentant l'amista que ligavo lou pouèto au pintre Auguste Chabaud, dira "Ço que Delavouët dissié d'èu-meme au travès de la presentacion de l'obro de Chabaud".

E tout de long de la journado : Estello Ceccarini e Rita Mazaudier legiran e comentaran d'estrat de l'obro dóu pouèto. Aquelo journado em' un pouèto se debanara dins la salo de counferènci dóu Museon Chabaud, Cours nacionau à Gravesoun, (proche l'Oustau di Petit) de 10 ouro à 17 ouro.

Pèr coumpleta e enrichi aquel ómage, lou CREDD'O presentara, dins si loucau enjusqu'au 30 de janvié 2010, uno espousicioun de dessin e de tablèu d'Auguste Chabaud, ispira pèr li "Quatre Cantico pèr l'age d'or".

Aquelo espousicioun sara l'òcasioun de descubri un autre aspèct dóu pintre, èu-meme, forço estaca à la Lengua Nostros, e coulabouradou de l'Armana Prouvençau, de la Revisto FE ansin que d'autri revisto ounte fuguèron publica sis escri.

Entre-signe : CREDD'O, 12, avenue Auguste Chabaud. 13690 Graveson. Tel. : 04 32 61 94 06 ou 06 87 31 11 03

Site : www.creddo.info. Dubert dóu dimars au devèndre de 9 ouro à miejour e de 2 ouro à 6 ouro emai sus rendés-vous.